

vel causam extra patriam evocare potest. Quare si quid ejusmodi prætendat, Legatum expressum expediat, de facto vel jure cognitum, necesse est. Nullum præterea conferre beneficium potest, nec gratiam vel bullam expedire, quæ sortiatur effectum: nisi exequendi potestas, ex Principis placito quod vulgo nuncupant, supplicanti concedatur. Quantum ad decimas, eæ fere per totam ditionem solvuntur, sed diversis modis: alibi enim solis Ecclesiasticis, alibi vero partim his, partim Loci Dominis, alii undecimam tantum partem dependunt, alii minus, secundum diversarum Provinciarum & Locorum consuetudines & privilegia: extatque prudens Caroli v Imperatoris Decretum, ne liceret in posterum ullis Ecclesiasticis personis, vel Locis Sacris ullam Rem mobilem absque Principis licentia coimere.

INDEX TABULARVM BELGII INFERIORIS.

i Belgii universalis
ii Hollandia
iii Artesia

ii Flandria
v Zelandia

ix Hannonia & Namurcum
ix Lutzenburgicus Ducatus & Trevirensis Provincia.

iii Brabantia

vi Geldria & Trans-Isalania,

Ad Regimen Belgii hujus pertinet etiam Frisia, quæ inter Germaniæ Tabulas prima est.

Belgium sive Germania Inferior.

Regio.
Nomina & unde deducta.

REGNUM Gallia, qua potui fide, hactenus perlustravi: *Germania Inferior* nunc adeunda est: quam ut patriam mihi longe charissimam, adibo perquam libens. Ut autem ab ipso nomine ordiar: Partem Europæ, quæ hoc tempore *Germania Inferior*, *Belgium* dictam Cæsari nonnulli volunt, in quo scribit se tres legiones collocasse, Hircius quatuor. Marlianus tamen & Glareanus pro Vrbe, non pro Regione accipiunt. Vnam Urbem capacem esse quatuor Legionum fortasse vix credit Vegetius. Ipse etiam Cæsar sub Belgio plures Civitates comprehendit, lib. v docet, ubi dicit Britanniaë maritimam partem ab his incolis, qui prædæ ac belli inferendi causa ex Belgio transierant, qui omnes fere his nominibus Civitatum appellantur, quibus omni Civitatibus eo pervenerunt. Non tamen sub Belgio totam Belgicam intelligit. A Belgio enim, (eodem libro) Nervios, Morinos & Eburones, Belgicæ populos, distinguit. Partem Belgicæ itaque secundum Ortelium videtur vocare Belgium, eam fortean, quæ versus Septentriones est, quæ Hollandiam, Zelandiam, Flandriam, Geldriam & Cliviam complectitur. Alii Belgicam quam tertiam Galliaë partem constituit Cæsar, nuncupant. Quam vocem nonnulli ab Vrbe hujus Regionis celeberrima, nonnulli a Belgio quodam Belgarum Duce, alii aliunde derivant. Hadrianus Junius Belgarum appellationem ad Nationis ferociam referendam autumat, ut sint *Belga* quasi *Velga*, hoc est atroces & violenti: nisi inavis, inquit, *Belga*.